


# TEZAU LITURGIC

## 15 IULIE

# CANONUL MILENIULUI CREȘTIN AL RUSIEI



MOSCOVA, 2000



# Канон

## Крещению Руси

Песнь 1, глас 8.

Ирмос: Воду прошед яко сушу и египетскаго зла избежав израильтянинъ вопияше: Избавителю и Богу нашему поим.

Христе, Ты еси свет наш, просвещаяй всяческая, Имже, тьмы идольския избавихомся и на путь спасения наставлении, Избавителю и Богу нашему поим.

Разделенныя некогда языцы, тьмою зла и неверия плененныя, Господи, ныне, радостно совокуплени суть верою единою в день сей всесвятый, во еже звати: Избавителю и Богу нашему поим.

Песнь 3.

Ирмос: Небеснаго круга верхотворче, Господи и Церкви зиждителю. Ты мене утверди в любви Твоей, желаний краю верных утверждение, Едице Человеколюбче.

Истина возсия и отступи нечестие, Православие восторжествова и отбеже тьма мерзкаго

идолослужения и Русь Святая едиными усты  
воспевает Тя, Едине Человеколюбче.

Сияет ныне и ликовствует, Господи, земля наша,  
храмы и обительми красно украшенная и лики  
святых Твоих облистываемая и воспевает тя,  
Едине Человеколюбче.

#### Песнь 4.

Ирмос. Услышах, Господи, смотрения Твоего  
таинство, разумех дела Твоя, и прославих Твое  
Божество.

Требища идольская и истуканныя жертвы  
потребившася исхождением людей Твоих от вод  
Крещения, славословящих, Господи, Твое  
Божество.

Елей милости Твоея, Господи, излил еси  
новокрещенным людям Твоим, во еже тьмы  
избегнути страстей и верно славить Твое  
Божество.

#### Песнь 5.

Ирмос: Просвети нас повелении Твоими,  
Господи, и мышцею Твоею высокою твой мир  
подаждь нам, Человеколюбче.

Мир с небесе сходящ даровал еси нам Господи,  
да всякую ненависть и злобу отложше, в мире и  
правде во вся дни живуще воспеваем Тя,  
Человеколюбче.

От ризы ветхия зловерия отрещися и одеждою  
нетленною одеянна, Русь святая днесь, память  
творящи Крещения своего, ликовствует светло и  
воспевает Тя, Господи Человеколюбче.

### Песнь 6.

Ирмос: Молитву пролию ко Господу, и Тому  
возвещу печали моя, яко зол душа моя  
исполнися, и живот мой аду приближися, и  
молюся яко Иона: от тли, Боже, возведи мя.

Иже во мраце сущии людие свет Тя, Христе,  
познавше, богомерзкое идольское служение  
отложили суть и ко Днепровстей купели шествие  
предначаша, да в Тя облечение примут, Единое  
Многомилостиве.

Священныя Бани Пакибытия омытие приимции  
в водах Днепровских, людие радости  
исполняхуся вси, воспевающе Тя Господи,  
Единаго Многомилостиваго.

## Песнь 7.

Ирмос: От Иудеи дошедше отроцы, в Вавилоне иногда, верою Троическою пламень пещный попраша, поюще: отцев Боже, благословен еси.

Велий еси Господи и чудна дела Твоя, яко от тьмы ко свету привел еси землю нашу и благодать даровал еси нам во еже пети: отцев и наш Боже, благословен еси.

Елицы во Христа крещение прияща, отцы наша, во Христа облеклися суть и нас Господа славить научиша и взывати: отцев и наш Боже, благословен еси.

## Песнь 8.

Ирмос: Царя Небеснаго, Егоже поют вои Ангельстии, хвалите и превозносите во вся веки.

Трисветлым сиянием небесным озарившись Русь ныне ликовствует, память совершаючи еже во днепровстей купели крещения и вопиет: Господа пойте, людие православнии, и превозносите во вся веки.

Еретических восстаний и душепагубных расколов, скорбей и напастей Русь святую избави, Вседержителю, да Тя,

Многомилостиваго, присно поим и превозносим  
во вся веки.

### Песнь 9.

Ирмос: Воистинну Богородицу Тя исповедуем,  
спасеннии Тобою, Дево чистая, с безплотными  
лики Тя величающе.

Святи ны, Господи, во Имя Тисвятое Твое, да  
род избранный и царское священние крещением  
явившися, плод сторицею возможем приносить  
Ти, с безплотными лики Тя воспевающе.

Именем святым нареченная и от купели  
Днепровския Русь ныне восходящая  
торжествует, память творящи крещения своего,  
и собори святых всех в песнях и пениях Тя  
величают, Триипостасный Владыко, со  
безплотными лики Тя воспевающе и поюще Твое  
Божество.



